

Гуноҳнинг мисоли чаёнга ўхшайди



14:00 / 07.12.2019 2950

Гуноҳнинг мисоли саратон ярасига ўхшайди. Қачонки, жисмда саратон яраси бўлса, шифокорлар айтадиларки, унинг бир муолажаси, жарроҳлик орқали уни чиқариб ташлансин, агар чиқариб ташланмаса, у яра катталашади ва жисмоний ўлимга сабаб бўлади.

Худди шундай гуноҳнинг ҳам бир муолажаси шуки, уни тарк қилинсин. Агар инсон гуноҳни тарк қилмаса, у ҳолда гуноҳ одати катталашади ва инсон учун маънавий ўлимига сабаб бўлади.

Гуноҳнинг мисоли оловнинг чўғига ўхшайди. Бирорта ақлли инсон чўғ кичик бўлсин ёки катта, унга қўл теккизмайди. Ундан узоқ туради. Сўраб кўрингчи, шунчалик ялтироқ, шунчалик порлоқ бўлса ҳам, нега чўққа қўл теккизмайди? Зарар етади деган жавоб топасиз.

Инсон қиладиган гуноҳларнинг мисоли ҳам айнан шундайки, хоҳ катта бўлсин, хоҳ кичик, инсон учун зарарга сабаб бўлади.

Гуноҳнинг мисоли чаёнга ўхшайди. Биз катта чаёндан ҳам узоқ қочамиз. Агар кичкинагина чаён кўринса, ундан ҳам узоқ қочамиз. Чунки кичкина чаён ҳам чақади, зарар етади. Инсон гуноҳининг мисоли ҳам шундайдир.

Шунинг учун, биз гуноҳлардан имкон қадар сақланишга ҳаракат қилишимиз керак.

Ҳазрати Мавлоно Зулфиқор Аҳмад Нақшбандий ҳафизаҳуллоҳ